



STATEN VAN ARUBA

Ingek: 30 NOV 2022

Volgnr: IS/307/22-23

Presidente di Parlamento  
sr. mr. E.G.A. Vrolijk  
L.G. Smith Blvd. 72  
Aruba

Washington, DC, 29 november 2022

Apreciado Presidente,

Pa medio di e carta aki suscrito kier a pidi Señor Presidente dirigi e siguiente x5 preguntanan na Prome Minister, sra. mr. Eveyln Wever-Croes. Suscrito ta desea di haya contesta por escrito riba su preguntanan. Gradiciendo di antemano pa su amabel cooperacion, suscrito ta keda,

Atentamente,

Miguel J. Mansur  
Lider di Fraccion ACCION 21



Preguntanan por escrito di Parlamentario, sr. Miguel J. Mansur, Fractieleider ACCION 21, na Prome Minister, sra. mr. Evelyn Wever-Croes, conforme articulo III.17 di Staatsregeling y conforme articulo 59 di Reglement van Orde di Parlamento di Aruba.

Apreciado Prome Minister,

Den distrito di Noord tin un scol cu 550 alumno y 65 miembro di personal. Desafortunadamente e infraestructura dilanti di e scol ainda ta consisti di un caminda di santo. Durante awasero fuerte, cu ta sosodiendo cu hopi frecuencia riba nos isla, acceso na e scol ta bira un peliger pa tur hende (Bijlage 1, 2, 3 y 4). Mi ta compronde cu recursonan ta limita pero den presupuesto di DOW tin 12 miyon presupuesta pa caretera si mi ta corda bon.

1. Prome Minister por comparti maneho di DOW pa priorisa cua careteranan ta prome pa haya asphalt?
2. Despues di hospital mi lo a supone cu scolnan lo sigui na di dos luga y nos sector turistico na di tres luga. Prome Minister por a comparti cu Parlamento cuanto scol na Aruba no ta conta cu caretera di asphalt riba e via principal di acceso?
3. Prome Minister por a comparti cu Parlamento si tin un plan di accion pa introduci asphalt riba tur caminda di scol lo mas pronto cu ta posibel? Si esey ta e caso Prome Minister por a provee un calendar di ki tempo e scolnan cu falta asphalt lo por ricibi esey?
4. Prome Minister si scolnan no ta wordo priorisa cu caminda di asphalt, Prome Minister por a splica unda lo pone asphalt cu e 12 miyon presupuesta pa caretera?
5. Prome Minister belasting riba number di auto ta provee entre 35-40 miyon florin pa aña. Mirando cu e gasto di actualisa mantencion riba nos careteranan ta entre 250-350 miyon florin, no lo ta miho aplica full e suma di entrada di belasting riba number di auto pa caretera?

Washington, DC, 29 november 2022

MJM



**Atentamente,**

A handwritten signature in black ink, appearing to read 'MANSUR', with a long horizontal flourish extending to the right.

**Miguel J. Mansur**  
**Lider di Fraccion ACCION 21**







